

Na osnovu članova 72., 73. i 74. Zakona o srednjem obrazovanju ("Službene novine Kantona Sarajevo", broj: 23/17) Ministarstvo za obrazovanje, nauku i mlade Kantona Sarajevo objavljuje

## K O N K U R S

### **za upis učenika u prvi razred srednjih škola sa područja Kantona Sarajevo u školskoj 2018./2019. godini.**

Konkurs za upis u PRVI razred srednjih škola u školskoj 2018./2019. godini traje od 27. juna do 5. jula 2018. godine. Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.

Kandidati koji konkurišu u ostale srednje škole **ne polažu** prijemni ispit.

Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.

Izbor kandidata vršit će se na osnovu Odluke sa kriterijima za prijem učenika u prvi razred srednjih škola Kantona Sarajevo, koji je sastavni dio ovog konkursa.

### ODLUKU

### **O KRITERIJIMA ZA PRIJEM UČENIKA U PRVI RAZRED SREDNJIH ŠKOLA KANTONA SARAJEVO**

#### **I OPĆE ODREDBE**

##### Član 1.

(Pravo upisa u prvi razred srednjih škola)

- (1) Pravo upisa u prvi razred srednje škole u statusu redovnog učenika imaju učenici sa završenom osnovnom školom, koji nisu stariji od 18 godina, odnosno koji do kraja tekuće godine ne navršavaju 18 godina života.
- (2) Pravo upisa u prvi razred srednje škole za učenike s teškoćama u razvoju imaju kandidati koji pored ostalih uslova, ispunjavaju uslov da do kraja tekuće godine ne navršavaju 22 godine života.

##### Član 2.

(Upis, prijem i obrada dokumentacije)

- (1) Srednje škole vrše upis učenika u prvi razred u skladu sa Planom upisa učenika u srednje škole Kantona Sarajevo, koji na prijedlog Ministarstva za obrazovanje, nauku i mlade (u daljem tekstu: Ministarstvo), donosi Vlada Kantona Sarajevo (u daljem tekstu: Vlada).
- (2) Ministarstvo je dužno, prilikom izrade Plana upisa učenika iz stava (1) ovog člana, konsultovati JU „Služba za zapošljavanje Kantona Sarajevo“, te vršiti redovne analize o kretanjima na tržištu rada u saradnji sa Ministarstvom za rad, socijalnu politiku, raseljena lica i izbjeglice Kantona Sarajevo i Ministarstvom privrede Kantona Sarajevo.
- (3) Izmjene i dopune odnosno proširenje Plana upisa iz st. (1) i (2) može odobriti samo Vlada.
- (4) Prijava i upis kandidata u prvi razred srednjih škola provodi se isključivo putem

Informacionog sistema EMIS.

- (5) U konkursnom roku kandidat može izabrati najviše tri programa obrazovanja/zanimanja/smjera.
- (6) Tokom konkursnog roka kandidatima će biti omogućena dva perioda za promjenu izbora programa obrazovanja/zanimanja/smjera iz stava 5. ovog člana.
- (7) Rang-lista svih kandidata i učenika primljenih u prvi razred objavljuje se putem Informacionog sistema kao i na oglasnoj tabli i WEB-stranici srednje škole.

### Član 3.

(Uslovi za upis)

Upis učenika u prvi razred srednjih škola vrši se pod istim uslovima za sve učenike državljanke Bosne i Hercegovine, povratnike iz inostranstva, kao i za strane državljanke i lica bez državljanstva u skladu sa Zakonom o srednjem obrazovanju („Službene novine Kantona Sarajevo”, broj: 23/17).

### Član 4.

(Konkurs)

- (1) Izbor kandidata za upis u srednju školu vrši se na osnovu ove odluke, koja je sastavni dio Konkursa za upis učenika u prvi razred srednjih škola i obavezno reguliše žalbeni postupak.
- (2) Konkurs iz st. (1) i (4) ovog člana raspisuje Ministarstvo.
- (3) Prvi konkurs za upis učenika u prvi razred srednjih škola u Kantonu Sarajevo javno se objavljuje na zvaničnoj web stranici Ministarstva, najkasnije dva mjeseca prije početka naredne školske godine i otvoren je najmanje sedam radnih dana.
- (4) Ministarstvo raspisuje drugi konkurs za škole koje ne popune planirana mjesta u prvom konkursnom roku, u skladu sa Planom upisa iz člana 2. ove odluke, najkasnije 15 dana prije početka školske godine i otvoren je najmanje tri radna dana.
- (5)

### Član 5.

(Dodatni uslovi za upis u umjetničku školu/gimnaziju – sportsko izbornu područje)

- (1) Kandidati koji konkurišu u umjetničke škole, odnosno u gimnaziju – sportsko izbornu područje, polažu prijemni ispit, odnosno test fizičke sposobnosti, koji su dužni okončati najkasnije dva dana prije završetka on-line upisa.
- (2) Mjesto i satnica polaganja prijemnog ispita za kandidate koji konkurišu u umjetničke škole, kao i mjesto i satnica polaganja testa fizičke sposobnosti za kandidate koji konkurišu u gimnaziju-sportsko izbornu područje, objavljuju se na oglasnoj tabli i WEB-stranici tih škola.
- (3) Program za polaganje prijemnog ispita u srednjoj umjetničkoj školi i srednjoj muzičkoj školi se odvija u skladu sa nastavnim planom i programom.
- (4) Rezultate prijemnog ispita, odnosno testa fizičke sposobnosti unose srednje škole u kojima se polažu ispiti putem Informacionog sistema EMIS.
- (5) Svaki učenik, iz stava (1) ovog člana, koji izvrši prijavu putem Informacionog sistema EMIS, polaže prijemni ispit.
- (6) Prijemni ispit iz stava (1) ovog člana je eliminatoran.
- (7) U slučaju da kandidat bude ocijenjen sa negativnom ocjenom iz bilo kojeg dijela prijemnog ispita odnosno dijela testa fizičkih sposobnosti, nije položio prijemni ispit.
- (8) Program polaganja prijemnog ispita u umjetničkoj školi, test fizičke sposobnosti za kandidate koji konkurišu u gimnaziju-sportsko izbornu područje, način ocjenjivanja u smislu eliminatornosti i kriterije vrednovanja rezultata, utvrđuje nastavničko vijeće škole i isti dostavlja Ministarstvu najkasnije sedam dana prije testiranja.

- (9) Program i kriteriji za polaganje prijemnog ispita odnosno testa fizičkih sposobnosti će biti objavljeni na oglasnoj tabli, internet stranici škole i internet stranici Ministarstva.
- (10) Prijemni ispit odnosno test fizičkih sposobnosti se polaže pred stručnom komisijom koju imenuje nastavničko vijeće škole za sve vrste zanimanja pojedinačno.
- (11) Minimalni sadržaji polaganja prijemnog ispita za Srednju školu primijenjenih umjetnosti su:
- a) crtanje,
  - b) slikanje,
  - c) modelovanje.
- (12) Minimalni sadržaji polaganja prijemnog ispita za Srednju muzičku školu su:
- a) muzičar solista –praktična provjera temeljnog predmeta struke, Solfeggia i Muzičke teorije. Na prijemnom ispitu moguće je ostvariti maksimalno 50 bodova, a minimalno 13 bodova.
  - b) muzičar općeg smjera -provjera temeljnog predmeta struke “solfeggia”: muzički ritam, memorija, sluh, muzička teorija. Na prijemnom ispitu moguće je ostvariti maksimalno 40 bodova, a minimalno 10 bodova.
  - c) baletni odsjek –praktična provjera osnovnih baletnih tehnika.Na prijemnom ispitu moguće je ostvariti maksimalno 40 bodova, a minimalno 10 bodova.

Dodatni uslovi su adekvatna ljekarska uvjerenja za upisne programe solo pjevanja (otorinolaringolog) i baleta (ortoped).

- (13) Minimalni sadržaji testa fizičkih sposobnosti u gimnaziju-sportsko izbornu područje su:
- a) skok udalj,
  - b) sklek,
  - c) košarka,
  - d) odbojka,
  - e) gimnastika i
  - f) plivanje (sportska dvorana i bazen).

## Član 6.

(Sadržaj prijave za upis)

- (1) Za prijavu za upis u prvi razred srednje škole kandidat je dužan predati u školi sljedeća dokumenta, najkasnije 48 sati od dana objavljivanja rezultata on line upisa:
- a) prijavu za upis;
  - b) izvod iz matične knjige rođenih – ovjerena kopija;
  - c) svjedodžbu o završenoj osnovnoj školi – originalna dokumenta;
  - d) uvjerenje o uspjehu učenika u VI, VII i VIII razredu osnovne škole – originalna dokumenta;
  - e) uvjerenje o rezultatima postignutim na eksternoj maturi – originalna dokumenta;
  - f) druga dokumenta relevantna za utvrđivanje broja bodova po kriterijima iz čl. 10. i 12. ove odluke.
- (2) Prijava za upis se printa iz sistema EMIS po okončanju on line upisa na osnovu konačne rang liste.
- (3) EMIS sistem neće dopustiti upis, naknadni upis ili prebacivanje učenika u druge smjerove ili škole po okončanju online upisa.

## II KRITERIJI

### Član 7. (Kriteriji za upis)

Upis učenika u srednje škole vrši se na osnovu sljedećih kriterija:

- općeg uspjeha kandidata postignutog u VI, VII, VIII i IX razredu osnovne škole;
- uspjeha iz predmeta značajnih za odgovarajuću školu, iz člana 8. ove odluke;
- rezultata postignutog na ispitima eksterne mature;
- rezultata postignutih na kantonalnim, te takmičenjima na nivou entiteta u Bosni i Hercegovini, države Bosne i Hercegovine, kao i na međunarodnim takmičenjima.

### Član 8. (Predmeti posebno značajni za određenu vrstu srednje škole/struku)

Predmeti posebno značajni za određenu vrstu srednje škole/struku utvrđuju se kako slijedi:

VRSTA SREDNJE ŠKOLE/ STRUKA/ZANIMANJE	Predmeti posebno značajni za određenu školu/struku/zanimanje
gimnazija, ekonomska škola trgovačka škola, medresa	Bosanski, hrvatski, srpski jezik i književnost Matematika, prvi strani jezik
medicinska, zubotehnička, veterinarska, prehrambena, poljoprivredna, kozmetičar, frizer,	Bosanski, hrvatski, srpski jezik i književnost, Hemija, Biologija
ugostiteljsko-turistička	Bosanski, hrvatski, srpski jezik i književnost, Geografija, prvi strani jezik
tekstilna, kožarska	Bosanski, hrvatski, srpski jezik i književnost, Likovna kultura, Biologija
škola primijenjenih umjetnosti	Bosanski, hrvatski, srpski jezik i književnost, Likovna kultura, prvi strani jezik
muzička škola	Bosanski, hrvatski, srpski jezik i književnost, Muzička kultura, prvi strani jezik
drvena, šumarska	Bosanski, hrvatski, srpski jezik i književnost, Matematika, Biologija
ostale škole/struke (mašinska, metalska, elektro, građevinska, geodetska, saobraćajna, grafička	Bosanski, hrvatski, srpski jezik i književnost, Matematika, Fizika

### Član 9. (Broj bodova po osnovu rezultata tokom školovanja)

Za kandidate koji konkurišu u srednje škole, broj bodova po osnovu rezultata postignutog na ispitima eksterne mature i uspjeha u osnovnoj školi utvrđuje se na slijedeći način:

- a) opći uspjeh u VI, VII, VIII i IX razredu osnovne škole boduje se sa maksimalno 50 bodova, tako da se zbir prosječnih ocjena svedenih na dvije decimale u VI, VII, VIII i IX razredu osnovne škole pomnoži sa brojem 2,50,
- b) uspjeh iz predmeta posebno značajnih za odgovarajuću školu boduje se sa maksimalno 20 bodova, tako da se saberu ocjene dobijene u VIII i IX razredu osnovne škole iz tri predmeta posebno značajna za odgovarajuću vrstu srednje škole - član 9. ove odluke, te se pomnoži sa brojem 0,67,
- c) rezultat postignut na ispitima eksterne mature boduje se sa maksimalno 30 bodova.

#### Član 10.

(Bodovi osvojeni na takmičenjima)

- (1) Za jedno od osvojenih mjesta na kantonalnom takmičenju učenika osnovnih škola dobije se slijedeći broj bodova:
  - a) za osvojeno prvo mjesto 3 boda,
  - b) za osvojeno drugo mjesto 2 boda i
  - c) za osvojeno treće mjesto 1 bod.
- (2) Za jedno od osvojenih mjesta na takmičenju učenika osnovnih škola na nivou entiteta u BiH i države BiH dobije se slijedeći broj bodova:
  - a) za osvojeno prvo mjesto 4 boda,
  - b) za osvojeno drugo mjesto 3 boda i
  - c) za osvojeno treće mjesto 2 boda.
- (3) Za jedno od osvojenih mjesta na međunarodnom takmičenju učenika osnovnih škola dobije se slijedeći broj bodova:
  - a) za osvojeno prvo mjesto 5 bodova,
  - b) za osvojeno drugo mjesto 4 boda i
  - c) za osvojeno treće mjesto 3 boda.
- (4) Ukupan broj bodova koje učenik dobije po osnovu takmičenja iz ovog člana ne može preći 10 bodova, s tim da se boduju samo takmičenja koja su zvanično organizovana na nivou ostalih kantona, na nivou entiteta u BiH, države Bosne i Hercegovine i na međunarodnom nivou, iz predmeta matematika, fizika, informatika, prvi strani jezik, geografija, tjelesni i zdravstveni odgoj-individualni sportovi, a za umjetničke škole i *individualna* takmičenja iz okvira te struke, te u tehničkim školama, u kojima se pored navedenog boduju i rezultati u okviru takmičenja pod nazivom "Smotra tehničkog stvaralaštva" za koje je suorganizator Ministarstvo.

#### Član 11.

(Potreban broj bodova za upis u srednje škole)

- (1) Za svakog kandidata koji konkuriše za prijem u prvi razred srednje škole utvrđuje se ukupan broj bodova po osnovu rezultata navedenih u čl. 9. i 10. ove odluke.
- (8) U slučaju kada dva ili više kandidata imaju jednak broj bodova, a nalaze se na posljednjem mjestu rang-liste, prednost ima kandidat koji je prvi izvršio izbor programa obrazovanja/zanimanja/smjera putem Informacionog sistema EMIS.
- (3) Za upis u gimnaziju učenik po svim osnovama mora imati minimalno 78 bodova.
- (4) Za upis u gimnaziju – sportsko izbornu područje, učenik po svim osnovama mora imati minimalno 78 bodova i to na način da:
  - a) po svim osnovama navedenim u čl. 9. i 10. ove odluke mora imati minimalno 73 boda,
  - b) te ostvariti dodatno minimalnih 5 bodova koji se odnosi na test fizičke sposobnosti.
- (5) Za upis u ekonomsku školu i škole zdravstvene struke učenik po svim osnovama mora imati minimalno 71 bod.

- (6) Za upis u ostale škole za zanimanja u četverogodišnjem trajanju obrazovanja učenik po svim osnovama mora imati minimalno 63 boda.
- (7) Za upis u trogodišnju školu se ne utvrđuje potreban minimalan broj bodova.

#### Član 12.

(Uslov za upis učenika iz inostranstva)

- (1) Ako je učenik završio osnovnu školu u inostranstvu i ako nema predmeta u VIII i IX razredu, odnosno u zadnja dva razreda osnovne škole, koji se boduju kao predmeti značajni za struku pri upisu u prvi razred, onda se umjesto ocjena iz tog predmeta uzima prosječna ocjena iz svih predmeta u zadnja dva razreda osnovne škole (aritmetička sredina).
- (2) Ako je učenik završio osnovnu školu u inostranstvu ili ako dolazi iz registrovane osnovne škole sa područja Bosne i Hercegovine koja realizira nastavne planove i programe drugih država ili asocijacija država, onda se pri upisu u prvi razred umjesto bodova postignutih na ispitima eksterne mature, u on-line sistem u osnovnoj školi koju odredi Ministarstvo, upisuju bodovi koji se dobiju tako što se u obzir uzima zbir općeg uspjeha u posljednja četiri razreda osnovne škole, koji se pomnoži sa 1,50.
- (3) Ukoliko učenik sa područja Kantona Sarajevo iz opravdanih razloga ne pristupi polaganju ispita, određuje se ekvivalent bodova za eksternu maturu koji osnovna škola upisuje u obrazac predviđen Pravilnikom o polaganju eksterne mature na osnovu zaključenih ocjena za taj predmet i to na način da se za predmete:
  - a) Bosanski, hrvatski, srpski jezik i književnost;
  - b) prvi strani jezik;
  - c) Matematikazbir zaključenih ocjena u VI, VII, VIII i IX razredu se dijeli sa brojem 2.
- (4) Opravdanost razloga zbog kojih učenik nije pristupio polaganju ispita iz eksterne mature na zahtjev roditelja cijeni školski odbor i odluku dostavlja Ministarstvu.

#### Član 13.

(Prednost pri upisu u prvi razred)

Pod jednakim uslovima iz ovih kriterija, shodno čl. 1., 2., 5. i 23. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj: 45/12-Prečišćeni tekst i 26/14), prednost imaju:

- a) djeca boraca-branitelja Bosne i Hercegovine;
- b) djeca ratnih vojnih invalida;
- c) djeca umrlih ratnih vojnih invalida;
- d) djeca organizatora otpora;
- e) djeca veterana-prvoboraca;
- f) djeca nosilaca najviših ratnih priznanja.

#### Član 14.

(Prestanak važenja ranijeg propisa)

Danom stupanja na snagu ove odluke, prestaje da važi Odluka sa kriterijima za prijem učenika u prvi razred srednjih škola Kantona Sarajevo („Službene novine Kantona Sarajevo“, broj: 21/17).

#### Član 15.

(Stupanje na snagu)

Ova odluka stupa na snagu danom objavljivanja u „Službenim novinama Kantona Sarajevo“

R. br	ŠKOLA	ZANIMANJE		PLAN UPISA	
		Obrazovanje traje 4 godine	Obrazovanje traje 3 godine	Odj.	Učen.
1.	Prva gimnazija	Gimnazija		5	120
2.	Druga gimnazija	Gimnazija		4	96
		Gimnazija - IB Middle Year Program		3	60(48+12 strani državljanjani)
		<b>U K U P N O :</b>		<b>7</b>	<b>144+12</b>
3.	Treća gimnazija	Gimnazija		5	120
		Područje informacionih tehnologija		1	24
		<b>U K U P N O :</b>		<b>6</b>	<b>144</b>
4.	Četvrta gimnazija	Gimnazija		3	72
		Područje informacionih tehnologija		1	24
		<b>U K U P N O :</b>		<b>4</b>	<b>96</b>
5.	Peta gimnazija	Gimnazija		2	48
		Gimnazija – sportsko usmjerenje		2	48
		Područje informacionih tehnologija		1	24
		<b>U K U P N O :</b>		<b>5</b>	<b>120</b>
6.	Gimnazija Dobrinja	Gimnazija		3	72
		Scenske umjetnosti		1	24
		<b>UKUPNO</b>		<b>4</b>	<b>96</b>
7.	Prva bošnjačka gimnazija	Gimnazija Curriculum A		3	72
		Gimnazija po NPiP Cambridge međunarodnom centru		2	48
		<b>U K U P N O :</b>		<b>5</b>	<b>120</b>
8.	* Katolički školski centar - Opća realna gimnazija	Gimnazija		2	48
9.	Gimnazija Obala	Gimnazija		3	72
		Dvojezično područje (b/h/s i njemački jezik)		1	24
		Dvojezično područje (b/h/s i francuski jezik)		1	24
		Područje informacionih tehnologija		1	24
		<b>U K U P N O :</b>		<b>6</b>	<b>144</b>
10.	Srednja muzička škola	Muzičar općeg smjera		1	24
		Muzičar solista:		1	30
		Muzičar klavirist			4
		Muzičar flautist			3
		Muzičar harmonikaš			5
		Muzičar violinist			5
		Muzičar violist			1
		Muzičar violončelist			1
		Muzičar gitarist			3
		Muzičar solo pjevač			4
		Muzičar hornist			1
		Muzičar udaraljkaš			1
		Muzičar klarinetist			2
		<b>U K U P N O :</b>		<b>2</b>	<b>54</b>
11.	Srednja škola primijenjenih umjetnosti	Likovni tehničar za reklamnu grafiku			8
		Likovni tehničar za opremu knjige			8
		Likovni tehničar za obradu metala			8
		Likovni tehničar za primijenj. slikarstvo			8
		Likovni tehničar za primijenj. vajarstvo			8
		Likovni tehničar za tekstilni dizajn			8

		<b>U K U P N O :</b>		<b>2</b>	<b>48</b>
12.	Srednja medicinska škola Jezero	Akušersko-ginekološka sestra tehničar		1	24
		Psiho-gerijatrijska sestra tehničar		1	24
		Fizioterapeutski tehničar		2	48
		Pedijatrijska sestra tehničar		2	48
		<b>U K U P N O :</b>		<b>6</b>	<b>144</b>
13.	Srednja medicinska škola	Medicinska sestra tehničar		3	72
		Farmaceutsko-kozmetičarski tehničar		1	24
		Laboratorijski tehničar		1	24
		Sanitararno-ekološki tehničar		1	24
		<b>U K U P N O :</b>		<b>6</b>	<b>144</b>
14.	Srednja zubotehnička škola	Zubni tehničar		3	72
		Stomatološka sestra tehničar		1	24
		<b>U K U P N O :</b>		<b>4</b>	<b>96</b>
15.	* Katolički školski centar - Medicinska škola	Medicinska sestra tehničar		1	24
		Fizioterapeutski tehničar		1	24
		<b>U K U P N O :</b>		<b>2</b>	<b>48</b>
16.	Srednja ekonomska škola	Ekonomski tehničar		5	120
		Bankarski tehničar		1	24
		<b>UKUPNO :</b>		<b>6</b>	<b>144</b>
17.	Elektrotehnička škola za energetiku	Elektrotehničar energetike		4	96
			Elektroinstalater	0,5	12
			Elektromehaničar	1	24
			Elektroenergetičar	0,5	12
		<b>U K U P N O :</b>		<b>6</b>	<b>144</b>
18.	Srednja elektrotehnička škola	Elektrotehničar (Jedinstveno stručno zvanje Elektrotehničar sa izbornim područjima: računarstvo i informatika, telekomunikacije, elektronika i automatika, RTV tehnika)		6	144
19.	Srednja mašinska tehnička škola	Mašinski tehničar konstruktor na računaru		2	48
		Mašinski tehničar za kompjutersko upravljanje mašinama		2	48
		<b>U K U P N O :</b>		<b>4</b>	<b>96</b>
20.	Srednja škola za saobraćaj i komunikacije	Tehničar PTT saobraćaja (Jedinstveno zvanje sa izbornim područjima -poštanske tehnologije, -komunikacijske tehnologije)		2	48
		Tehničar drumskog saobraćaja (Jedinstveno stručno zvanje sa izbornim područjem-opće)		1	24
			Automehaničar	1,5	36
			Autoelektričar	1	24
			Vozač motornih vozila	0,5	12
			Autolimar	0,5	12
			Autolakirer	0,5	12
			Rukovalac građevinskih i pretovarnih mašina	1	24
<b>U K U P N O :</b>		<b>8</b>	<b>192</b>		



21.	Srednja škola metalnih zanimanja	<b>Mašinski tehničar (izborna područja : Zrakoplov i motor; opsluživanje zrakoplova i tereta, motori i motorna vozila, industrijska i naočalna optika; finomehanika; primijenjena informatika i računarstvo)</b>		1	24
		<b>Tehničar mehatronike</b>		1	24
			<b>Plinski i vodoinstalater</b>	0,5	12
			<b>Limar</b>	0,5	12
			<b>Instalater centralnog grijanja</b>	0,5	12
			<b>Operator na CNC alatnim mašinama za obradu skidanjem strugotina</b>	0,5	12
			<b>Zlatar-draguljar</b>	0,5	12
			<b>Optičar</b>	0,5	12
<b>U K U P N O :</b>			<b>5</b>	<b>120</b>	
22.	Željeznički školski centar	<b>Elektrotehničar elektronike</b>		1	24
		<b>Tehničar željezničkog saobraćaja</b>		1	24
			<b>Elektroničar telekomunikacija</b>	0,5	12
			<b>Elektroenergetičar</b>	0,5	12
			<b>Zavarivač</b>	0,5	12
			<b>Mehaničar hidraulike i pneumatike</b>	0,5	12
<b>U K U P N O :</b>			<b>4</b>	<b>96</b>	
23.	Srednja građevinsko-geodetska škola	<b>Arhitektonski tehničar</b>		2	48
		<b>Građevinski tehničar</b>		1	24
		<b>Geodetski tehničar-geometar</b>		1	24
			<b>Keramičar- podopolagač</b>	0,5	12
			<b>Moler-farbar</b>	0,5	12
<b>U K U P N O :</b>			<b>5</b>	<b>120</b>	
24.	Srednja tehnička škola grafičkih tehnologija, dizajna i multimedije	<b>Grafički tehničar</b>		<b>4</b>	<b>96</b>
25.	Srednja škola za okoliš i drveni dizajn	<b>Tehničar za obradu drveta–programer na CNC mašinama</b>		1	24
		<b>Ekološki tehničar</b>		1	24
		<b>Šumarski tehničar</b>		0,5	12
		<b>Tehničar hortikulture</b>		0,5	12
			<b>Rasadničar</b>	0,5	12
			<b>Lugar</b>	0,5	12
			<b>Stolar</b>	0,5	12
			<b>Tapetar – dekorater</b>	0,5	12
		<b>U K U P N O :</b>			<b>5</b>
26.	Srednja škola poljoprivrede, prehrane, veterine i uslužnih djelatnosti	<b>Poljoprivredni tehničar</b>		1	24
		<b>Prehrambeni tehničar</b>		1	24
		<b>Veterinarski tehničar</b>		1	24
		<b>Nutricionist tehničar</b>		1	24
		<b>Kozmetičarski tehničar</b>		1	24
			<b>Voćar–vinogradar–vinar</b>	0,5	12
			<b>Mljekar</b>	0,5	12
			<b>Cvjećar</b>	0,5	12

			Mesar	0,5	12
			Pekar	1	24
			Frizer	1	24
			<b>U K U P N O :</b>	<b>9</b>	<b>216</b>
27.	Srednja škola za tekstil, kožu i dizajn	Dizajner tekstila i odjeće		1	24
		Tekstilni tehničar konstruktor		1	24
		Tekstilni tehničar konfeksionar		1	24
			Krojač	0,5	12
			Hemijski čistač	0,5	12
			<b>U K U P N O :</b>	<b>4</b>	<b>96</b>
28.	Srednja ugostiteljsko-turistička škola	Ugostiteljski tehničar		1	24
		Turistički tehničar		1	24
			Kuhar	1	24
			Poslastičar	1	24
			Konobar	1	24
			<b>U K U P N O :</b>	<b>5</b>	<b>120</b>
29.	Srednja poslovno-komercijalna i trgovačka škola	Poslovno-pravni tehničar		1	24
		Komercijalni tehničar		1	24
		Aranžer		1	24
			Trgovac	1	24
			<b>U K U P N O :</b>	<b>4</b>	<b>96</b>
30.	Srednjoškolski centar Vogošća	Ekonomski tehničar		2	48
		Mašinski tehničar konstruktor na računaru		1	24
		Mašinski tehničar za kompjutersko upravljanje mašinama (CNC tehničar)		1	24
			Prodavač	0,5	12
			Automehaničar	0,5	12
			Autolimar	1/3	8
			Zavarivač/Bravar	1/3	8
			Operater na CNC mašinama za obradu skidanjem strugotine	1/3	8
			<b>U K U P N O :</b>	<b>6</b>	<b>144</b>
31.	Srednjoškolski centar Hadžići	Gimnazija		2	48
		Mašinski tehničar konstruktor na računaru		1	24
		Arhitektonski tehničar		1	24
		Prehrambeni tehničar		1	24
			Automehaničar	0,5	12
			Moler	0,5	12
			Bravar	0,5	12
			Keramičar	0,5	12
			Krojač	0,5	12
			Frizer-vlasuljar	0,5	12
			Prodavač	0,5	12
			Kuhar	0,5	12
			<b>U K U P N O :</b>	<b>9</b>	<b>216</b>
32.	Srednjoškolski centar „Nedžad Ibrišimović“ Ilijaš	Gimnazija		1	24
		Gimnazija –područje infomacionih tehnologija		1	24
		Mašinski tehničar konstruktor na računaru		1	24
			Operater na CNC mašinama	1/3	8
			Automehaničar	1/3	8

			<b>Autolimar</b>	1/3	8
			<b>Frizer-vlasuljar</b>	1/3	8
			<b>Kozmetičar</b>	1/3	8
			<b>Prodavač</b>	1/3	8
		<b>U K U P N O :</b>		<b>5</b>	<b>120</b>
<b>33.</b>	* Gazi- Husrev-begova medresa			<b>2+2</b>	<b>120</b>
<b>34.</b>	*Škola za srednje stručno obrazovanje i radno osposobljavanje		<b>Pomoćni: autolakirer, autolimar, moler-farbar, tapetar, knjigovezac, kuhar, cvječar, konfeksionar takstila - krojač, operater za unos podataka, obučar, keramičar, bravar.</b>		<b>Prema broju prijavljenih učenika</b>
<b>35.</b>	*Centar za slijepu i slabovidnu djecu i omladinu	<b>Fizioterapeutski tehničar Poslovni tajnik Telefonski operater</b>	<b>Telefonista</b>		<b>Prema broju prijavljenih učenika</b>
<b>36.</b>	*Centar za slušnu i govornu rehabilitaciju	<b>Tekstilni tehničar modelar-konstruktor Grafički tehničar Mašinski tehničar</b>	<b>Krojač, Autolimar, Limar, Metalostrugar, Bravar, Plinski i vodoinstalater, Tapetar, Fotograf, Knjigovezac, Frizer</b>		<b>Prema broju prijavljenih učenika</b>
	<b>UKUPNO SVE SREDNJE ŠKOLE</b>	<b>ZANIMANJE – IV stepen 130 odjeljenja</b>	<b>ZANIMANJE – III stepen 32 odjeljenja</b>	<b>162</b>	<b>3.894</b>

\* Upis u prvi razred u školskoj 2018./2019. godini u Katolički školski centar - Opća realna gimnazija, Katolički školski centar - Medicinska škola, Centar za slijepu i slabovidnu djecu i omladinu, Centar za slušnu i govornu rehabilitaciju i Škola za srednje stručno obrazovanje i radno osposobljavanje neće se vršiti putem online sistema.

Učenici koji su zainteresirani za upis u navedene srednje škole, potrebno je da se o načinu upisa u ove škole informiraju direktno u navedenim školama.

Orijentaciono:

<b>Gimnazije</b>	<b>48 odjeljenja</b>	<b>(29,62%)</b>
<b>Ostale škole</b>	<b>114 odjeljenja</b>	<b>(70,37)</b>
<b>Škole u četverogodišnjem trajanju</b>	<b>130 odjeljenja</b>	<b>(80,24%)</b>
<b>Škole u trogodišnjem trajanju</b>	<b>32 odjeljenja</b>	<b>(19,75%)</b>

Navedeni podaci su izračunati bez učenika Međunarodne srednje škole, Tursko-bosanskog koledža, Perzijsko-bosanskog koledža, Privatne internacionalne gimnazije „Bloom“, Sarajevo School of Science and technology (SSST), Maarif koledža i škola za učenike sa posebnim potrebama, kao i upis učenika iz drugih općina izvan Kantona Sarajevo u Gazi Husrev-begovu medresu (2 odjeljenja - 72 učenika). U Gazi Husrev-begovu medresu, prema podacima dostavljenim iz škole, upisuje se 50% učenika iz drugih općina izvan Kantona Sarajevo.

Pregled broja nezaposlenih lica najbrojnijih zanimanja prema završenoj školi–struci u martu 2018. god.

ZANIMANJA	Broj nezaposlenih lica
Maturant gimnazije	3.404
Prodavač	3.483
Medicinska sestra	741
Ekonomski tehničar	2192

ZANIMANJA	Broj nezaposlenih lica
Mašinski tehničar	1707
Frizer - vlasuljar	955
Vozač motornih vozila	946
Automehaničar	908

**MINISTAR**

*Prof. dr. Elvir Kazazović, s.r*



web: <http://www.mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128, Fax: + 387 (0) 33 562-218  
Sarajevo, Reisa Džemaludina Čauševića 1

